

# SCRIPTA

**Numéro Scripta :** 4811

**Auteur(s) :** Jean le Fournier, de Surtauville [particulier]

**Bénéficiaire(s) :** Pont-de-l'Arche, Notre-Dame de Bonport (abbaye)

**Genre d'acte :** charte

**Authenticité :** non suspect

**Datation :** 1244, juin

**Action juridique :** donation

**Langue du texte :** latin

## Analyse

Jean le Fournier, de Surtauville, donne aux religieux de Bonport 8 sous de rente au Becquet.

## Tableau de la tradition

### Éditions principales

a. Andrieux Jules, *Cartulaire de l'abbaye royale de Notre-Dame de Bon-Port de l'ordre de Cîteaux au diocèse d'Évreux*, Évreux, Hérissey, 1862, n° CXXXII, p. 131-132.

Texte établi d'après a

Noverint universi, presentes et futuri, quod ego Johannes le Fornier, de Sortouvilla, [dedi] et presenti carta confirmavi Deo et Beate Marie de Bono Portu, et monachis ibidem Deo servientibus, tempore dedicationis, pro salute anime mee, patris mei et matris mee et omnium amicorum meorum, in puram et perpetuam elemosinam, octo solidos annui redditus monete currentis ; percipiendos singulis annis in festo Sancti Michaelis, super quamdam domum sitam apud le Becquet ante portam Johannis Croc, et super unam acram terre in diversis partibus sitam, et ad feodium dicte domus pertinentem ; quam domum cum terra predicta tenet de me Johannes Beaucosin de Becquet : tenendos et habendos predictis monachis libere et quiete et pacifice, absque ulla de cetero mei vel heredum meorum reclamatione. Licebit etiam dictis monachis de dicto redditu suam penitus facere voluntatem et plenariam exercere justiciam in dictis locis, pro suo redditu et emenda, nisi dictus redditus eisdem ad prefixum terminum fuerit persolutus. Et hec tenemur, tam ego Johannes quam mei heredes, dictis monachis contra omnes garantizare. Et ut hoc ratum et stabile permaneat, in futurum presentem cartam sigilli mei munimine roboravi.

Actum anno Domini M° CC° quadragesimo quarto, mense junio.

Testibus his : Domino Guillermo de Tuit Symer, presbitero ; Gilleberto dicto Pain de Vece ; Roberto Leubart, et pluribus aliis.